



*Jumat, 13 September 2024*  
**Ogen: Ende-enden Salomo 2:1-5**



**"Tedeh Ateku"**



**K**itab enda sada kumpulen puisi si mbelin si ibahan Raja Salomo tupung ia nguda denga. Kata-kata si lit i bas kitab enda isuratken alu sastra si meganjang, e maka la banci itafsirken alu perasaan si la tepat. Kitab enda melala nuriken kerna turi-turin kekelengen sekalak dilaki ku sekalak diberu. Janah secara kanon kitab enda itamakan i tengah-tengah bagin Pustaka si Badia, si ningetken kerna keleng ate selaku pusat ntah pe inti kiniteken kalak si tek man Tuhan.

Kai ndia sura-sura Tuhan arah ayat enda?

1. Kitab enda la lit nuratken kerna kata "Dibata", tapi arah kitab enda kita ngidah maka sura-sura Dibata kegeluhenta gelah desken persadan ndehara ras perbulangen i bas jabu lit lalap ketedeheh ate, puji-pujin dengen pengendesen diri ras kemediaten sada ras sidebanna. Kiasen kerna rudang-rudang, pohon apel i tengah kerangen, enda sada lambang ngena ate si teridah alu rusurna iperdiateken.

2. Alur ceritana nuriken kerna sekalak dilaki si iandingken ras bunga mawar i bas lembah si ertedeh ate nandangi rudang i bas peken duri, dungna terbayang ia jumpa rassa janah i bas perjumpanna e jadi megegeh dengen siang ukurna. Bage me ate Tuhan perjumpanta ras Ia erbahanca kita megegeh dengen siang rusur ayonta, jore me ukurta. Semangat perjumpaan ras si ngena ateta, lebih ka min semangatta jumpa ras Dibata si erkeleng ate man banta.

Relasi ndehara ras perbulangen ibahan Dibata jadi andingen hubungenta ras IA. E maka uga hubungenta ras perbulangen e, banci min tetap terjaga ras harmonis jadi sada bentuk pengarapen kerna kiniulin hubungenta ras Tuhan. I bas jaman enda kita ntah pasangenta mungkin saja tergoda WIL atau PIL ntah pe CLBK. Tapi selaku anak Tuhan lit tanggungjabapta mpertahanken jabu. Jatuh cinta yang sukses adalah jatuh cinta yang sering dan berkali-kali pada orang yang sama.